

ZAPISNIK SA 20.SJEDNICE UO SAMOSTALNOG SINDIKATA RADNIKA U BHRT-u, u mandatu 2023/2027., koja je održana u utorak 23.12.2024. godine u 12 sati u sobi 301

Prisutni: Merima Kurtović-Pašalić; Džemal Kahrlica; Edis Fočo; Mubera Herac; Samir Gadžo; Mustafa Baručija; Ekrem Agić; Minka Džihanić; Sanin Vila; Sadin Kavazović; Sanija Saljihi

Odsutni: Omer Bukić, Alen Pavić, Minja Erić, Miljević Dragan.

Dnevni red:

1. Zapisnik sa 19. redovne sjednice UO SSR u BHRT-u
2. Aktualna situacija
3. Finansije
 - Blagajnički izvještaj za mjesec Novembar 2024. godine
 - Izvještaj Adriatic osiguranje za mjesec Novembar 2024. Godine
 - Izvještaj o utrošku sredstava za poklon bonove djeci i članovima sa najnižim primanjima
4. Pomoć
 - Pomoć članovima sindikata za mjesec Decembar 2024 godine
5. Razno

AD 1. Predsjednica M.Kurtović-Pašalić je na osnovu člana 35. Statuta Samostalnog sindikata radnika u BHRT-u, otvorila 20.redovnu sjednicu UO SSR u BHRT-u, u mandatu 2023/2027.g i predložila dnevni red koji je jednoglasno usvojen, kao i Zapisnik sa 19. redovne sjednice UO sindikata.

AD 2. M.K.Pašalić je najprije upoznala članove UO sindikata sa informacijom generalnog direktora da će do Božića biti uplaćena pomoć radnicima BHRT-a za Novu Godinu.

Obzirom na to da je posljednja sjednica UO u 2024.g u aktualnoj situaciji M.K.Pašalić se osvrnula na većinu aktivnosti Sindikata u protekloj godini. Posebno se zahvalila svim članovima UO na istrajnosti i angažmanu jer je godina zaista bila turbulenta i puna izazova. Naglasila je da je najvažnije da smo održali solidarnost i zajedništvo u teškim vremenima i da ćemo i u narednom periodu nastaviti sa svojim aktivnostima jer se bolji uvjeti i situacija sa stabilnim finansiranjem na žalost ne vidi na vidiku. Ponovila je da su zahtjevi Sindikata i dalje pravednija sistematizacija, povećanje koeficijenata, povećanje toplog obroka 1 % od prosječne plaće u FBiH.

Predsjednica je izvijestila članove UO i o posjeti resornom ministru E.Fortu, koji je obećao i dalje pomoć ministarstva, da je uputio VM BiH da se od RAK-a traži pomoć BHRT-u na godišnjoj osnovi, redovna. M.K.Pašalić je na kraju rekla da je rukovodstvo Sindikata u protekloj godini učinilo sve u svojoj moći za poboljšanje položaja radnika, što je i rezultiralo, povećanjem toplog obroka za 3 KM, zatim povećanjem plaće od 10 % ali i dovođenjem u RTV dom svih relevantnih političkih i nevladinih subjekata koji su se uvjerali u stvarno stanje propasti RTV servisa. Međutim, za narednu godinu je naglasila da bi se Sindikat trebao više fokusirati na odnos Menadžmenta prema uposlenicima, da se ispravi diskriminacija nad onima koji imaju najniže koeficijente i da insistiramo na pravednijoj sistematizaciji radnih mjesta jer to je odgovornost Menadžmenta.

Ad 3. Blagajnički izvještaj za mjesec Novembar 2024.godine je primljen k znanju.

- Izvještaj o poslovanju sa Adriatic osiguranjem za mjesec novembar 2024.godine je primljen k znanju.
- Izvršna sekretarka M.Herac je podnijela Izvještaj o utrošku sredstava za kupovinu poklon bonova Konzuma za djecu za NG i za pomoć najugroženijim članovima sindikata sa najnižom plaćom koji nisu dobili povećanje plaće od 10 %.
- Članovi UO su odobrili prijedlog da se novoj članici Sindikata iz Tuzle odobri jedan poklon bon za dijete.
- UO je jednoglasno usvojio 2 Odluke:

1. Odluka o utrošku sredstava za kupovinu poklon bonova za novogodišnje paketiće za djecu članova SSR u BHRT-u u iznosu od 3381 KM.

2. Odluka o ukupnom utrošku sredstava za kupovinu poklon bonova za članove SSR u BHRT-u sa platom nižom od minimalne plate u FBiH u iznosu od 2548 KM.

- Potpredsjednik Dž.Kahrica je izvijestio članove UO da povrat sredstava od Adriatika za registraciju vozila za 2024.g iznosi 1384 KM i da bi u skladu sa Ugovorom do kraja godine trebalo biti uplaćeno.

Ad 4. Pomoć za decembar 2024.g

- Kimeta Ramić 500 KM/ 3 dio
- Hodžić Ismeta 350 KM/ 1 dio
- Morić Amra 150 KM
- Korkić Šemsudin 200 KM

Odluka o pomoći za mjesec decembar 2024.godine u ukupnom iznosu od 1200 KM je usvojena jednoglasno.

Ad 5. Razno

Dogovoreno je da će rukovodstvo ponovno tražiti sastanak sa generalnim direktorom prije NG. Kada je u pitanju pismo kolege iz ITC Bihać o mobingu UO će obavijestiti nadređene o ovom problemu našeg člana Sindikata.

Dž.Kahrica je upoznao UO da sa kritičnom situacijom u pogonu kotlovnica zbog nedostatka uposlenika, 2 uposlenika su napustila BHRT, jedan je na bolovanju, tako da trenutno kotlovnica radi sa 2 radnika, a u pitanju je pogon u kome se radi u turnusima 24 sata dnevno.

UO se složio da se pošalje pismo podrške kolegama sa HRT-a koji prijete štrajkom zbog niskih primanja.

Sjednica je završena u 12.33

Izvršna sekretarka
Mubera Herac

Predsjednica SSSR u BHRT-u
Merima Kurtović-Pašalić